

## NUS.2 Explorar e mantegnair animals, plantas e spazis da viver

### 6. Las scolaras ed ils scolars san giuditgar las influenzas da l'uman sin la natira e reflectar davart in svilup persistent.

renviaments  
FSP - Ambient natural e resursas

#### *Relaziuns natira - uman*

NUS.2.6

Las scolaras ed ils scolars ...

<b>1</b>	a » san percepir e descriver atgnas relaziuns tar spazis da viver, plantas ed animals (p.ex. tgira, relaziun, stima, respect).	
	b » san contemplar, observar, descriver spazis da viver artifizials e rapportar davart atgnas enconuschentschas ed experientschas (p.ex. animals a chasa, en il zoo).	
	c » san cumpareglier spazis da viver naturals cun spazis da viver artifizials, descriver differenzas e reflectar en quest connex davart la situaziun da vita da plantas e d'animals.	
	d » san surpigliar incumbensas e conresponsablidad per cultivar plantas e per tegnair animals da compagnia (p.ex. tegnair animals e cultivar plantas en la scola).	
<b>2</b>	e » san explorar en spazis da viver da la regiun, nua ch'els abitan, e documentar, co che umans furman, utiliseschan e midan la moda da viver ed il spazi da viver da plantas e d'animals.	
○	f » san cumpareglier las atgnas modas d'agir e da sa cumportar (p.ex. en il contact cun animals da chasa, tar activitads da temp liber en il guaud, sper ed en l'aua) cun ils basegns da viver da plantas e d'animals e valitar qui.	
	g » san descriver e cumpareglier differentas relaziuns e modas da sa cumportar d'umans envers plantas, animals e spazis da viver naturals e contemplar qui or da differentas perspectivas. » san aplitgar reglas da protecziun e da cumportament envers plantas ed animals. <small>reglas per proteger animals, plantas protegidas, cumportament en territoris per la protecziun da la natira</small>	
	h » san reflectar davart il niz da plantas e d'animals per l'uman (niz economic, estetic, per la sanadad e per il bainesser). » san giuditgar consequenzas pussavilas da las influenzas da l'uman sin la natira, san cumbinar enconuschentschas latiers e san reflectar davart las atgnas modas da sa cumportar e d'agir.	